



Broj: 15-03-16-5-14-32/26  
Datum: 16.3.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (1) tačka b) Zakona Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencije za identifikaciona dokumenta, evidenciju i razmjenu podataka Bosne i Hercegovine donosi

## **O D L U K U** **o izboru najpovoljnijeg ponuđača**

### **Član 1.**

Najpovoljniji ponuđač u postupku javne nabavke **folija za pakovanje**, objavljen na *web* Portalu javnih nabavki Bosne i Hercegovine, Obavještenje o nabavci broj 1110-7-1-7-3-52/26 od 6.2.2026. godine, a koji je proveden postupkom konkurentskog zahtjeva za dostavljanje ponuda, je **PLASTEX d.o.o. Gračanica, sa ukupnom cijenom ponude od 20.500,00 KM bez PDV-a, što iznosi 23.985,00 KM sa PDV-om.**

### **Član 2.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### **Član 3.**

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

## **O b r a z l o ž e n j e**

Nakon provedenih aktivnosti, Komisija za provođenje postupka javne nabavke folija za pakovanje je konstatovala da je do roka za prijem ponuda, dana 24.2.2026. godine do 10:00 sati, na pisarnicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristiglo pet (5) ponuda i to od ponuđača NEXIS d.o.o. Sarajevo, FER PLAST d.o.o. Vogošća, PLASTEX d.o.o. Gračanica, B VIN d.o.o. Banja Luka i VARIPLAST d.o.o. Gračanica. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-14-30/26 od 10.3.2026. godine, u kojem su detaljno obrazloženi razlozi za izbor najpovoljnijeg ponuđača.

U navedenom zapisniku o pregledu i ocjeni ponuda je utvrđeno da ponude ponuđača NEXIS d.o.o. Sarajevo, PLASTEX d.o.o. Gračanica i B VIN d.o.o. Banja Luka ispunjavaju sve zahtjeve u pogledu opisa predmeta nabavke i tehničkih specifikacija, odnosno ponuđači su kvalifikovani a njihove ponude prihvatljive. Dalje je konstатовano da su



dokumenti od ponuđača PLASTEX d.o.o. Gračanica i B VIN d.o.o. Banja Luka dostavljeni na prihvatljiv način kako je traženo tenderskom dokumentacijom, dok je za ponuđača NEXIS d.o.o. Sarajevo konstatovala slabu čitljivost ručno napisane cijene slovima.

Komisija je zapisnički konstatovala da ponuđači FER PLAST d.o.o. Vogošća i VARIPLAST d.o.o. Gračanica nisu kvalifikovani a njihove ponude su neprihvatljive iz razloga sto traženi dokazi o ispunjavanju uslova sposobnosti nisu dostavljeni na propisan način kako je to definisano tenderskom dokumentacijom.

Analizom ponuda nakon provedene e-aukcije, u postupku sa kriterijumom najniža cijena, Komisija je konstatovala da je ponuda ponuđača PLASTEX d.o.o. Gračanica, **sa ukupnom cijenom od 20.500,00 KM bez PDV-a, odnosno 23.985,00 KM sa PDV-om** u ekonomskom i tehničkom smislu u potpunosti zadovoljava zahtjeve ugovornog organa sa najnižom cijenom, te je data preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet (5) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

Дигитално потписано / digitalno potpisano / digitally signed